

1512. eioni iuxta. Ordinis militum incibat.

Capituli generalis correctioni & obedientie omnes subiant.

Priori generali omnes Prælati, & ceteri obediunt.

Ad Sedemq. Apoll. absque ejus licentia non appellat.

Sed contra eos juxta formam constitutionis procedatur.

Canonici, alii Prælati extra Congregationem non serviant, nec ad alios Ordines absque licentia tranfite valeant.

ipfius Congregationis observantiam reducere decreverit, reformationem ipsam juxta decreta, ordinationes, & constitutiones hujusmodi, prout convenientius poterit exequatur.

§.10. Capitulum autem generale nominamus, quod in dicta Congregatione singulis annis celebratur, in quo omnes electiones Prioris generalis, & Visitatorum, ac Abbatum, Priorum, Prepositorum, & aliorum quorumcumque Officialium Monasteriorum, & locorum dictæ Congregationis; necnon omnia alia statuta, & ordinata, ut præmittitur, juxta ritus, & constitutiones præfatas, eo ipso quibus de consensu ipsius Capituli, seu ejus Definitorum in formam publicam redacta fuerint, ejusdem Apostolici muniminis declaramus robore communiri. Hujusmodi ergo Congregationis, & Capituli generalis dispositioni, ordinationi, reformationi & obedientiæ, universa Monasteria, Prioratus, Domus, Conventus, loca, necnon res, & bona cum suis membris, juribus, & pertinentiis quibuscumque, quæ videlicet iustis modis hæcenus eis oblata, traditaque fuere, & dante Domino applicari poterunt quomodolibet in futurum, ac eorum personarum tam Clerici, quam Conversi, & Commissi in dictis Monasteriis, Prioratibus, & Conventibus, ac locis, sive membris degentes pro tempore, cujuscumque dignitatis, status, aut conditionis fuerint, in omnibus subiecta perseverent.

§.11. Universi vero Prælati ejusdem Congregationis sub Prioris generalis, & alii Canonici, conversi, & commissi sub Prælatorum, in quorum Monast., aut aliis locis deputantur, seu morantur, obedientiis vivant, & eas illis humiliter præstent.

§.12. Et nulli Prælatorum, vel Canoniorum prædictorum ab institutis, ordinationibus, correctionibus, & mandatis Capituli, seu Prioris generalis, aut aliorum Prælatorum ipsius Congregationis, ad quemcumque etiam ad nos, & Sedem prædictam, nisi de speciali summi Pontificis licentia, appellare liceat; appellatio- nesque desuper pro tempore interpositæ, & inde secuta irrita habeantur.

§.13. Sed cum contra aliquem Prælatum, vel Canonicum dictæ Congregationis, civiliter, aut criminaliter agi contigerit, secundum constitutiones, & statuta prædicta, juris communis apicibus, dilationibus, terminis, & litium aufractibus omiſſis, procedatur.

§.14. Ac nulla Ecclesiastica persona, vel secularis, quacumque auctoritate, vel dignitate prædita, etiam si Patriarchali, vel Cardinalatus honore præfulgeant, aliquem ex Prælatiſ, vel Canoniciſ Congregationis prædictæ obsequiorum, vel servitorum propriorum, vel Monasteriorum suorum, seu prætextu cujusvis officii, etiam Cappellanatus, ad eas divertere, vel alia quavis causa, etiam arctioris vite Ordinis, vel observantiæ, a dicta Congregatione educere, vel sponte venientes recipere, & penes se retinere audeant,

etiam auctoritate literarum Apostolicarum, absque literis dimissoriis dictæ Congregationis, seu Prioris generalis, et Visitatorum ejusdem. Quod si recipientes præfati intra tres dies, postquam eis presentes innotuerint, Prælatum, seu Canonicum extra ipsam Congregationem existentem hujusmodi, eidem Congregationi non restituerint cum effectu, vel a se totaliter non abjecerint, excommunicationis sententia una cum ipsis receptis innodati existant eo ipso, a qua nisi in mortis articulo, aut a Sede prædicta, absolvi non possint.

§.15. Neque Congregationis hujusmodi Prælati quarumcumque literarum Apostolicarum prætextu, nisi illis presentibus specialiter et expresse derogetur, ad recipiendum Canonicos, qui alias ab eorum propriis Monasteriis, sive locis absque suorum Superiorum licentia contumaciter recesserint, a quoquam queant quomodolibet coarctari.

§.16. Ut vero exeuntium ab eadem Congregatione motibus occurramus, discernimus ut nemo ex ipsa ad aliquem aliorum Ordinum, occasione etiam arctioris Regulæ (ut præmissum est) transire, neve ad aliquam dignitatem, seu administrationem extra ipsam suam Congregationem, sive professus, sive ad sacros ordines promotus (quam rem professionis loco esse, & haberi statuimus) habitum dictæ Congregationis relinquere, aut mutare nulla auctoritate possit, nisi missionem, literasque a generali Capitulo, aut Prioris generalis, & Visitatorum obtinuerit, quod tam de his, qui hæcenus exierint intelligi volumus, quam de his qui in posterum exituri sunt, etiam si literas Apostolicas obtinuerint. Ne vero protervis relinquatur litigandi, repugnandive locus, si quis eorum exeuntium causam in Romana Curia super ea re committi hæcenus obtinuerit, vel in posterum obtinebit, ubi ad inhibendum, aut alia hujusmodi agendum itum fuerit, motu, scientia, potestateque prædictis lites hujusmodi ad nos advocamus atque omnino extinguimus; statuentes eque valere hoc decretum nostrum, ac si Judicum nomina, atque alia omnia, quæ supra memorata sunt, hic satis expressa essent, etiam si sacri Palatii Apostolici causarum Auditores existerent. Volumusque ut quicquid super hac re fiet, aut factum sit, etiam si causam aut nos, aut prædicta commiserit Sedes, pro infectis omnino haberi; irritum præterea esse, atque inane, quicquid super his Apostolica, sive alia quavis auctoritate secus contigerit agi aut attentari.

§.17. Generalis igitur Prior, & alii Abbates, & Priores dictæ Congregationis pro tempore existentes, seu ab eis deputati possint omnes & singulos dictæ Congregationis hujusmodi Canonicos ab illa vagos, & fugitivos, aut suis Superioribus inobedientes, & rebelles, & qui non habita licentia se alio transfulerint, vel aliquarum personarum quacumque dignitate etiam Cardinalatus honore fulgentium, servitiis in Romana Curia, vel extra eam

Prælati Congreg. fugitivos recipere non cogantur.

Habitum nemo absque licentia quovis prætextu dimittat, & commissio cause etiam in Curia Romana nihil obstat.

Priores contra inobedientes & extra claustra vagantes procedere non desistant.

Venientes ad istam Congregationem non impediantur.

Ingressi eam possint & qui arctiorem Religionem ingredi voverint.

Illiciteq. bona incertarum personarum habentes, Prælatibus Congregationis assignare valeant.

Choro inter esse aliqui excusantur, & alii a recitatione certius diuini officii.

se adjecerint, vel ab eis literas familiaritatis, aut Cappellanatus obtinuerint, vel quocumque habitu induti fuerint, capere, & in carceribus detinere, aut per censuram Ecclesiasticam, & alia juris remedia, appellatione remota, etiam invocato ad hoc, si opus fuerit, auxilio brachii secularis, ad solitam & debitam obedientiam compellere.

§.18. Nec quisquam personas, quæ de jure communi Religionem ingredi non prohibentur, ex sæculo ingentes, & ad dictam Congregationem venire affectantes, verberibus, aut violentiis quibullibet impedire, aut prohibere, vel a Monasteriis, & locis Congregationis ejusdem presentibus vel futuris divertere, aut super hoc illis, vel eos recipientibus injuriam, vel molestiam irrogare præsumant, contrafacientes vero præsentium notitiam habentes, vel qui ea ignoraverint, & postquam ad eorum notitiam pervenerint, a præmissis injuriis, & violentiis non desisterint, excommunicationis sententiam ipso facto incurrant, a qua, præterquam in mortis articulo constituti, nisi a Sede præfata absolutionis beneficium nequeant obtinere.

§.19. Statuimus similiter, & ordinamus, ut omnes, qui Religionem, locum, vel Ordinem alium quemcumque etiam arctiorem ingredi voverint, tali voto non obstante, ad Congregationem, & Ordinem prædictos, illorumque professionem libere & licite ingredi, & inibi recipi, & admitti valeant, superque omnibus aliis votis (præfato Religionis dumtaxat excepto) cum illis, & cum omnibus aliis ipsam Congregationem Altissimo famulaturis ingredi volentibus etiam excommunicationis vinculo, injuncta eis juxta eorum facultates restitutione, & poenitentia saluari, tanquam uni ex Canonicis Congregationis hujusmodi, absolutionis beneficium impendi, ita tamen, quod si ante professionis emissionem discesserint, in eandem excommunicationem ipso facto reincidant.

§.20. Et quia forsitan nonnulli Congregationis, & Ordinis hujusmodi habitum assumptentes, diversis personis, quæ ignorari, & non reperiri possent, in aliquibus rebus, seu bonis obnoxii essent, eidem Priori generali, Prioribus, & eorum Vices gerentibus concedimus, ut ipsorum singuli in locis sibi commissis bona ipsa in pios usus libere & licite convertere possint, prout secundum Deum melius viderint expedire.

§.21. Volumusque quod qui ex præfatis Canonicis adeo Monasteriorum suorum officii occupati, ut in choro interesse, & officium divinum vix sine labore, & tædio dicere, & ipsa eis ratione officiorum hujusmodi incumbentiæ caritatis opera implere nequeant, & qui ad divinum hujusmodi officium dicendum adeo vel non docti, vel minus experti pro tempore existunt, dummodo in sacris non sint ordinibus constituti, licet professionem emisserint, tamen ad persolvendum totum divinum officium

Tom. III. Par. III.

cium integrum minime teneantur, sed eorum Prælati habita suorum supposito- rum consideratione, ultra Officium B. Mariæ Virginis, ad quod obligati remaneant, juxta dispensationem eis creditam, si eorum animabus expedire videbitur, aliquid dicendum injungant, quod cum animi alacritate valeant adimplere.

§.22. Præterea decernimus, quod ejusdem Congregationis præsentibus, & futuri possint omnes etiam sacros ordines, ad quos per eorum Superiores presentati fuerint, a quocumque maluerint Catholico Antistite, gratiam, & communionem Apostolicæ Sedis habente recipere, & hujusmodi Antistitem in ipsius Congregationis Monasteriis, & locis dumtaxat advocare, ipseque Antistites Canonicos dictæ Congregationis a suis superioribus sibi pro tempore presentatos, Apostolica auctoritate, absque alia licentia, & contradictione Diocesani, & absque quod alias illi propterea præjudicium generetur, nulla examinatione præmissa, statutis tamen a jure temporibus absque ulla promissione, aut obligatione ordinare, Missas inibi celebrare, Ecclesias, Altaria, & vasa consecrare, vestes benedicere, & alia pontificalia exercere.

§.23. Et ut Canonicis prædictis omnis vagandi adimatur occasio, Definitoribus Capituli generalis dumtaxat ejusdem Congregationis, cum quibusvis personis defectum Natalium ex adulterio incauto, & quovis alio genere nefario, & illicito coitu provenientem patientibus: necnon Generali, & Visitatoribus cum iis, qui ex quavis causa, præterquam homicidii voluntarii, bigamiæ, mutilationis membrorum irregulares forent, postquam Congregationem ipsam ingressi, & illam expresse professi fuerint, perpetuo dispensandi, ut defectui & irregularitatibus hujusmodi non obstantibus, ad quoscumque etiam sacros, & presbyteratus ordines promoveri, & in illis etiam in Altaris ministerio ministrare, & ad quoscumque officia, administrationes, seu dignitates prædictæ Congregationis aut illius Ecclesiarum, Monasteriorum, & locorum recipi, & alumi, illaque gerere & exercere libere, & licite, & absque dispensatione dictæ Sedis, quotiens opus fuerit valeant, licentiam, & facultatem similiter concedimus, & etiam indulgemus. Similiter, quod præfatus Prior generalis, & alii Abbates, Priores, & Prælati dictæ Congregationis pro tempore existentes, valeant in omnibus casibus, in quibus de jure communi Prælatiſ, & Canoniciſ dictæ Congregationis auctoritas, sive licentia seu dispensatio Ordinariorum (si ab eis exempti non essent) foret necessaria, cum eis auctoritate præfata dispensare, eisque dispensandi licentiam, & auctoritatem concedere.

§.24. Et præterea ipsi Priori Generali pro tempore existenti, potestatem facimus sacrandi, benedicendique corporalia, vestes, & ea, quæ sacris usibus necessaria sunt.

§.25. Impartimur quoque, ut hujusmodi

Sacris initiari possunt a quocumque Antistite, & absque examinatione. Vid. Con. II. Trid. Sess. 7. cap. 11.

Definitores Capituli generalis, & respective Generalis, & Visitatoris, cum personis Congreg. in nonnullis dispensare possunt.

Generaliſ corporalia, & cer. bened. cit.

1512. Sacerdotes ante diem &c. celebrant. Vid. Concil. Trid. Sess. 22. cap. Quarta. Altarij portatili uti valeant.

In vide d.c. Quanta. Celebrare. etiam possunt tempore interditi &c. Vid. Concil. Trid. Sess. 25. cap. 12.

Praelati Congreg. possunt cura personis illius circa irregularitatem, & dispensare & absolvere.

modi Congregationis Sacerdotes in itinere constituti, aut alia causa subsistente ante diem, & usque ad Nonam inclusive Missam celebrare queant.

§. 26. Et Altare portatile, in ipsorum itinere cum debita reverentia, & honore habere, & super eo, in locis tamen congruis & honestis, Missas, & alia divina Officia celebrare, ac Sacramenta Ecclesiastica ibidem recipere.

§. 27. Et ubi generale, seu in aliquo speciali loco interdictum fuerit, in Ecclesiis suis, ac in Altari portatili predictis, & aliis quibuscumque locis honestis hujusmodi Missas, & alia divina Officia celebrare. Quod si contingat Civitates, Terras, vel loca in quibus Monasteria, seu loca dictae Congregationis consistunt, Ecclesiastico supponi interdicto, ut Congregationis Praelati, Canonici, Conversi, & Commissi, Novitii, & Cappellani, Moniales, sive Sorores, & oblatae, seu commissa persona utriusque sexus, quarum curam in spiritualibus gerunt, necnon Laici intra septa Monasteriorum ipsorum, seu locorum pro tempore habitantes, & Procuratores & Syndici, & negotia gerentes Monasteriorum, a praefata Congregationis Canonici ad id deputatis, januis clausis, interdictis exclusis, & submissa voce, Missas, & alia divina Officia audire, ac Ecclesiastica Sacramenta suscipere, ipsique Canonici illa celebrare, & ministrare, ac eos cum decedere contigerit, in Ecclesiis suis praefatis libere, & licite sepelire possint & valeant, plenam licentiam concedere, & facultatem. Necnon Praelatis, Canonici, & personis Congregationis hujusmodi, quocumque nomine censeantur, elargimur, ne propter participationem etiam in divinis cum excommunicatis, suspensis, & interdictis a jure vel statutis Ordinariorum, aliquam excommunicationis, vel censurarum aut peccati maculam incurrant, nisi ipsi excommunicati essent specialiter denunciati.

§. 28. Priorique generali, & Visitatoribus, ac singulis Praelatis dictae Congregationis, & qui loco eorum constituuntur, praesentes, & futuri, qui nunc sunt & pro tempore erunt concedimus, ut cum Canonici, Novitii, Conversi, & commissi ejusdem Congregationis dispensatione indigentibus, sive priusquam intraverint Congregationem & Ordinem hujusmodi, sine post, ac Monialibus, sive Sororibus, & oblatas, seu commissis personis utriusque sexus, quarum curam, ut praemittitur, gerunt, in casibus, quibus exceperint, & pro quibus excommunicationis, vel interdicti, aut suspensionis sententias, a jure, vel ab homine generaliter promulgatas incurrerint, & hujusmodi sententias innodati, aut in locis generali, vel speciali Ecclesiastico suppositis interdicto divina Officia celebrantes, vel suscipientes ordinem, sic ligati notam irregularitatis humiliter incurriscent, & in omnibus aliis casibus, etiam ex causa cujuscumque simoniae, qualitercumque generaliter vel specialiter,

Sedi praedictae reservatis (exceptis dumtaxat haereticorum, relapsorum, schismaticorum, deserentium prohibita ad infideles, & literas Apostolicas falsificantium, quos omnino ad eandem Sedem remitti volumus) absolutionis, & dispensationis beneficium juxta casuum exigentiam valeant impartiri: Canonici vero, & alii, quos pro tempore Prior Generalis, Visitatores, & Praelati praedicti in proprios habuerint confessores, eisdem Priori Generali, Visitatoribus, & Praelatis absolutionis, & dispensationis hujusmodi beneficium etiam concedere possint.

§. 29. Et cum saepe contingat, quod ob singularem devotionem, quam nonnullae personae ad Canonicos dictae Congregationis gerunt ad eisdem pro suarum salute animarum recurrant, eisdem Congregationis Praelatis, seu Canonici a suis Superioribus ad audierendum hujusmodi personas ad ipsos accedentes audire, et persona ipse eis absque alia eorum Superiorum licentia confiteri, necnon dictis Praelatis, seu Canonici confessiones hujusmodi audientibus, dictos confitentes poenitentia, et satisfactione praevia, quotiens opus fuerit, ab omnibus et singulis peccatis Sedi praedictae non reservatis, et a quibuscumque suspensionum, excommunicationum, et interdicti sententis, aliisque Ecclesiasticis censuris, et poenis, quas a jure, vel ab homine latas incurrisse quomodolibet confiterit, absolvere, & vota per eos pro tempore missa in omnibus & singulis casibus locorum Ordinariorum etiam per synodales, seu provinciales constitutiones reservatis, in alia pietatis opera commutare, & desuper cum eisdem voventibus dispensare (exceptis tamen censuris, poenis, votis, & casibus, super quibus esset Sedes praefata merito consulenda) & ipsis confitentibus ac aliis omnibus, qui ad praefatos Canonicos ob hujusmodi devotionem recurrerint, Eucharistiae Sacramentum ministrare libere possint, Mandantes expresse Ordinarios, ac Rectores Parochialium Ecclesiarum, ne eorum Parochianos, quod Canonici dictae Congregationis non confiteantur, aliquo pacto prohibere, seu persuadere praesumant, & nullatenus denegent ministrare hujusmodi confitentibus eisdem Canonici quaecumque Ecclesiastica Sacramenta; dummodo aliquod Canonicum impedimentum, & rationabilis causa non subsistat.

§. 30. Cupientes etiam animarum Canonicorum praedictorum saluti salubriter consulere, eis pariter concedimus, ut liceat ipsis, et cuilibet ipsorum, necnon Conversis, Commissis, et Novitiis suis, ac Monialibus, sive Sororibus, et oblatas, seu Commissis, personis praedictis utriusque sexus praesentibus, et futuris, semel in vita, & mortis articulo, quemcumque Presbyterum ex Canonici praefata Congregationis, in casu vero necessitatis alium Presbyterum idoneum, tam saecularem, quam cujusvis alterius Ordinis Regularem in suum eligere confessorem, qui confessionibus hujusmodi diligenter auditis, pro com-

Confitentibus absolvunt a casibus omnibus hic non exceptis.

Confessores bis eligunt, & absolutionem ab omnibus casibus obtinent.

conf-

missis per eos criminibus, delictis, & peccatis, in omnibus, & singulis etiam Sedi Apostolicae reservatis casibus, debitam absolutionem; & plenariam omnium peccatorum suorum remissionem possint auctoritate nostra impendere, & poenitentiam injungere salutarem. Ita tamen quod quilibet ex confitentibus hujusmodi, postquam Congregationem ipsam fuerit ingressus, & antequam ad articulum mortis deveniat, teneatur (si Clericus, vel Presbyter fuerit) septem Psalmos Poenitentiales, si vero Conversus, vel Commissus fuerit, vel alia persona ex praedictis utriusque sexus, quae ipsos Psalmos Poenitentiales legere nesciret, quinquages Orationem Dominicam, & totidem Salutationes Beatae Virginis, singulis septimanis per unum annum dumtaxat, pro conservatione Status Romanae Ecclesiae (legitimo tamen cessante impedimento) dicere, & omittentes alia vice supplere teneatur, ac possint quinquaginta vicibus dictos Septem Psalmos Poenitentiales, communiter, vel divisim hujusmodi debitum in integrum satisfacere: & si interim aliquem post conceptam, & non perfectam poenitentiam hujusmodi ab hac luce migrare contingat, ipse nihilominus plenariam remissionem consequatur; dummodo intentionis fuerit illam, si supervivisset, perficiendi.

Indulgentias hic enunciatas consequitur.

§. 31. Concedimus praeterea Canonici, Conversi, Commissi, & Novitii, ac Monialibus, sive Sororibus, & Oblatis, seu Commissis personis utriusque sexus praedictis, praesentibus, & futuris, qui in diebus, in quibus stationes in nonnullis, tam intra, quam extra Almam Urbem Ecclesiae consistentibus existunt, quinquaginta vicibus dictos Septem Psalmos Poenitentiales, & totidem Salutationem Angelicam, coram quinque Altaribus hujusmodi, pro felicitate Sanctae Romanae Ecclesiae dixerint, easdem concedimus indulgentias, perinde ac si dicti Canonici, Conversi, Commissi, Novitii, Moniales, & personae personaliter Ecclesiae Urbis praefatae, & extra visitassent, & in defectu Altarium, alia pia, & devota loca ad visitationem hujusmodi, & alia praemissa faciendum eligere possint, etiam si eos extra Monasteria, & loca hujusmodi esse contigerit.

Legatorum Sedis Ap. mandata, praeter Congregationis constitutiones exequi non coguntur. Vid. Concil. Trid. Sess. 25. c. 11. & 13.

§. 32. Volumus insuper, quod dictae Congregationis Praelati, vel Canonici literas Sedis praedictae, aut ipsius Legatorum, seu delegatorum super administranda iustitia, executione facienda, visitatione, seu correctione exercenda, aut pro colligendis, pecuniis, aut pro denuntiatione sententiarum, interdicti, & excommunicationis, aut pro recipienda cura Monialium, seu Religiosorum quorumcumque, aut alio quovis negotio peragendo, ac eos tempore impetratas, & directas, acceptare, & in illis contenta exequi, & juramentum de calumnia, vel veritate dicenda subire, aut

testimonium perhibere, seu extra suas civitatem, & Diocesim trahi ad quavis concilia provincialia, & synodalia, aut Congregationes (quovis nomine censeantur) Ecclesiasticarum, vel Laicarum personarum, cujuscumque dignitatis, aut status existant, etiam Apostolica auctoritate indicta, praeterquam ad ipsius Congregationis Capitulum generale celebrandum, aut alias juxta eorum ordinationes ire, vel mittere, aut processionibus publicis, aut funeralibus interesse inviti minime teneantur. Sed neque ipsis invititis, in eorum sociis, & Monasteriis, per aliquos Episcopos, vel eorum Ordinarios, aut alias quascumque personas, sub excommunicationis poena, quam ipso facto contrafacientes incurrant, Missas, & alia divina officia, neque mortuorum officium, etiam si apud eos corpora defunctorum sepeliri contingat, quocumque celebrentur, ordines conferantur, vel agitentur cause civiles, vel criminales, processionibus convocentur, aut Synodus, conventus, seu quavis Congregationes tam Ecclesiasticarum, quam Laicarum personarum fiant, immo quod neque ipsi Episcopi seu Ordinarii, & alii quicumque ad hujusmodi loca accedere, seu in ipsis immorari, ipsis Canonici, ut praemittitur, invititis ullo modo presumant. Inhibentes multo magis, quod ut hujusmodi Congregationis loca, ad usum, hospitium, habitationem, detentionem, & incarcerationem, Ecclesiasticarum, & laicarum personarum deputentur, adstringi, seu cogi aliquo modo possint. Testimonia vero Praetorum, Canonicorum, Conversorum, Commissorum, & Novitiorum dictae Congregationis, in causis ipsorum civilibus, & criminalibus, in iudicio, & extra, legitima, seu juridica sint.

§. 33. Praeterea, ne Congregationem ipsam, & illius Canonicos, per locorum Ordinarios quavis occasione, vel causa, & praesertim ratione Ecclesiarum Parochialium, seu aliorum locorum dictae Congregationis pro tempore, quibus animarum cura imminet, molestari contingat, & hujusmodi praetextu in Congregationem, & Canonicos praedictos aliquam superioritatem, seu dominium habere praetendant, ipsis quoque concedimus, & indulgemus ut in Parochialibus Ecclesiis hujusmodi, possit Congregatio ipsa, seu ipsius Canonici, per se aut presbyteros saeculares, aut cujuscumque alterius Ordinis (alias tamen habiles, & idoneos) ad ipsorum nutum deputandos, & amovibiles, animarum curam praedictorum Parochianorum, Ecclesiarum Parochialium hujusmodi, libere & licite exercere: quodque ipsi Cappellani, dum curam hujusmodi gerent, ea libertate, atque exemptione fungantur, & ubique fruantur, ac si ex Canonici Congregationis, & Ordinis praedictorum existerent.

§. 34. Sepulturam quoque in locis Cemeteriis, & Ecclesiis dictae Congregationis concedimus, & eam liberam esse decer-

Exceptio C. 5. a superioritate Ordinariorum & in locis ubi est cura animarum.

Mortuos in Ecclesiis eorum sepe licet valent.

Exemptio a jurisdictione, & superioritate Episcoporum, Inquisitorum, & aliorum omnium.

cernimus, ita quod devotioni, & extreme voluntati eorum, qui in locis hujusmodi sepeliri voluerint, nullus obstat, salva tamen iustitia illarum Ecclesiarum, a quibus mortuorum corpora sumuntur.

§. 35. Et ut dictę Congregationis Canonici divinis beneplacitis quietius, & liberius insistant, eisdem Congregationem, & illius generalem Priorem, Visitatores, & alios Pręlatos, ac Canonicos, conversos, commissos, novitios, moniales, sive sorores, & oblatas, seu commissas personas prædictas utriusque sexus, ac Capellanos etiam curam habentes animarum necnon familiares, & servitores ipsorum, nunc & pro tempore existentes, ac ipsius Congregationis Monasteria, Prioratus, & loca, etiam quę in posterum eidem Congregationi quomodocumque uniri, & incorporari, seu subici, vel alias quomodolibet aggregari contigerit, ac omnia, & singula dictorum Monasteriorum, Prioratum, & locorum præsentium, & futurorum Ecclesias, Capellas (etiam si ipsi cura immineat) oratoria, manualia, membra, castra, fortalitia, & ædificia, villas, grangias, vineas, oliveta, hortos, sylvas, nemora, prata, pasua, piscationes, molendina, aquas, aquarum decursus, jura, jurisdictiones, prædia, possessiones, & bona quęcumque, quę in præfenti sunt, & in futurum erunt, dictę Congregationis, & quę omnia, & singula per eorum vocabula, confines, valores, qualitates, & quantitates hic haberi volumus pro sufficienter expressis, a quorumcumque Legatorum etiam de latere, & Subdelegatorum, necnon Nunciorum dictę Sedis, ac Vicariorum, Rectorum, quorumcumque Officialium Romanę Ecclesię, necnon Patriarcharum, Archiepiscoporum, Episcoporum, administratorum, electorum, & aliorum quorumcumque Judicum ordinariorum, etiam Inquisitorum hæreticę pravitatis, quavis auctoritate, & potestate, dominio, visitatione, reformatione, correctione, & inquisitione, ita quod in dictam congregationem, vel eius singulares personas seu benefactores, occasione beneficiorum ejusdem collatorum ab eis, aut quia subditi eorum cum eisdem Canonicis converferentur, seu ab ipsis recipiant absolutionis, & Eucharistię Sacramentum, necnon Monasteria, Prioratus, loca, & personas in eis degentes, ratione delicti, excessus, seu contractus, aut rei de qua agitur, ubicumque ineatur contractus, committatur delictum, aut res ipsa consistat, excommunicationis, suspensionis, & interdicti, aut alias quasvis sententias, nisi de speciali Sedis prædictę commissione, quomodolibet, directe proferre, aut promulgare non possint, prorsus eximimus, & totaliter liberamus. Eaque & eorum quodlibet, in jus, & proprietatem B. Petri, ac Sanctę Sedis & sub eorum speciali protectione, atque nostra suscipimus, ita quod de cetero dicta Congregatio cum Monasteriis, membris, & Ecclesiis, locis, personis, & juribus suis superscriptis, & aliis quibuscumque,

eidem Sedi immediate subiecta existant, & esse censeantur.

§. 36. Quod si Legati, Subdelegati, aut Ordinarii, seu alia personę prædictę, contra exemptionem, & liberationem nostras prædictas, quicquam attentare quomodocumque præsumpserint, ac requisiti vigore presentium per ipsius Congregationis Pręlatos, vel Canonicos, infra tres dies a die requisitionis hujusmodi non destiterint, excommunicationis sententię ipso facto noverint se subiectos, & nihilominus, quod aliter actum fuerit, eo ipso sit irritum, & inane, nulliusque roboris, vel momenti. Decernentes ex nunc, omnes, & singulos processus, ac excommunicationis, seu suspensionis, & interdicti sententias, censuras, & pœnas, quas, & quicquid contra Congregationem, seu illius Canonicos, personas, Monasteria, Ecclesiis, & loca hujusmodi haberi, & fieri contigerit, seu etiam promulgari, irritos, & inanes, nulliusque roboris vel momenti esse, ac pro nullis, & infectis haberi debere, etiam exemptione Congregationis hujusmodi, quam tamquam notoriam, & manifestam haberi volumus, non aliter allegata, seu aliter de ea mentione facta.

§. 37. Nulli quoque Reges, Principes, Duces, Marchiones, Barones, Milites, Nobiles, Laici, Communitates, Universitates, Magistratus, Rectores, & Officiales Civitatum, Terrarum, Castrorum, & Diocesum quarumcumque, Monasteriis, Prioratibus, Locis, Capellis, Ecclesiis, Manualibus, Grangiis, Castris, possessionibus, & bonis, necnon Pręlati, & Canonici, Monialibus, sive Sororibus, ac personis ipsius Congregationis, gabelas, talias, datia, collectas, etiam pro pontium refectionibus, aut viarum reparationibus, aliave onera, seu gravamina inferre, indicare, vel imponere, aut indicta, & imposita exigere sub excommunicationis, & maledictionis aternę pœnis, quas Principes, Duces, Marchiones, Barones, Milites, Laici, Communitates, Universitates, Magistratus, Rectores, & Officiales prædicti (nisi præsentium habita notitia prorsus destiterint) ipso facto incurrant, audeant, vel præsumant.

§. 38. Nec aliquid ex dictę Congregationis, & earum Monialium, sive Sororum, Monasteriis, Prioratibus, Grangiis, membris, manualibus, & locis prædictis, addandum seu solvendam aliquam Canonicam portionem, sive decimas, aut quicquam aliud, quod eorum loco solvi consueverit, Archiepiscopis, Episcopis, Capitulis, Parochiis, Collegiis, Universitatibus, Communitatibus, & fabricis, & aliis quibuscumque personis, de jure, vel de consuetudine, aut statuti, vel privilegii quibuscumque ex quacumque causa hæcenus ab eis forsan debita, seu quę deberi pretenderetur quomodolibet in futurum, etiam de relictis, donatis, & legatis tam in ultimis voluntatibus, quam etiam inter vivos, seu alias quacumque occasione concessis, & concedendis, etiam si forte per

Pœna contra exemptionem impediens.

Et contra Priores, & alios quoscumque dacionem ponentes aut imposita exigentes.

Exemptio d. Congr. a solutione decimarum etiam soli vi solitarum.

Pœna contra desuper Congregationem molestantes.

nos, vel Sedem prædictam de legatis pie dispositis, & relictis in genere, vel in specie, decima, vel alia portio, seu quota alteri pię, vel non pię rei, ex quavis causa hæcenus, & præsertim Ecclesię S. Petronii Civitatis nostrę Bononiensis concessa fuissent, aut in futurum concedi, seu solvi aut dari, mandari contigerit, quomodolibet teneantur, decernentes Congregationem, & Canonicos hujusmodi, ac Moniales, sive Sorores, & prædictas personas oblatas utriusque sexus, & illorum Ecclesias, Monasteria, & loca, & eis legata, atque relictã aut alias in eorum favorem disposita, in concessionibus, & mandatis hujusmodi includi seu comprehendi non debere.

§. 39. Districte inhibentes Ordinariis locorum sub interdicti, Ecclesię ingressus, & suspensionis a divinis, ac regiminis, & administrationis Ecclesiarum suarum, Rectoribus vero Parochialium Ecclesiarum, & quibusvis aliis personis sub excommunicationis late sententię, & privationis earumdem Parochialium Ecclesiarum, ac omnium aliorum beneficiorum Ecclesiasticorum, quę obtinent, necnon inhabilitationis ad illa, & alia in posterum obtinenda pœnis, quas scienter contrafacientes ipso facto incurrant, ne Ordinem, et Congregationem Sancti Salvatoris Canonicorum Regularium hujusmodi, ac illius Canonicos, Ecclesias, Monasteria, et loca prædicta, ac Moniales, sive Sorores, & oblatas personas prædictas utriusque sexus, præter, et contra tenorem ac formam hujus presentium nostri indulti, et aliarum concessionum, ut præmittitur, Congregationi Sancti Salvatoris prædictorum Canonicorum Regularium, seu Ecclesiis, Monasteriis, et membris, ac locis suis, Monialibus, sive Sororibus, et oblati personis prædictis factarum, quocummodo inquietare, nec eos aut testamentorum, et ultimarum voluntatum executores, aut testamentum hæredes, seu quoscumque alios, directe, vel indirecte ad solutionem alicujus quartę Parochialis, seu Canonice, vel alterius, portionis sive oneris, compellere quocummodo, ut præfertur, presumant. Sed ipsa Monasteria, Prioratus, loca, Manualia, grangia, possessiones, et bona, ac Pręlati, Canonici, Moniales, sive Sorores, et oblate personę Congregationis ejusdem Sancti Salvatoris, ab omni impositione, exactione, collecta, decima, caritativo subsidio, aut alio quocumque reali, ac personali, vel mixto onere, vel gravamine, quovis nomine censeatur, per nos etiam, et successores nostros Romanos Pontifices pro tempore indictis, necnon omnibus censibus, redditibus, et solutionibus, ratione subjectionis, aut visitationis, quocumque jure, quibuscumque Ordinariis, Capitulis, Collegiis, Congregationibus, Universitatibus, aut aliis quibuscumque personis hæcenus debitis, quę nos eisdem Congregationi, et Canonicis, de Apostolicę potestatis plenitudine gratiose remittimus, et in futurum debendis, illorumque solutione, et præstatione sint, esseque debeant libera petitis

Exemptio a procurationibus Legatorum, & Nunciorum Sedis Apostolicę & decimarum Papalium.

et exempta, atque immunia, ita quod ad illorum præstationem, vel solutionem, per quoscumque, & quarumvis etiam Apostolicarum literarum vigore, cogi aut desuper inquietari nequeant.

§. 40. Similiter, ut ad præstationem procurationum Legatorum, seu Nunciorum dictę Sedis, seu ad solutionem etiam decimarum, quas Papales appellant, & quas Sedes prædicta pro Christianę fidei defensione, aut aliis imminenti bus per sepe necessitatibus imponit, minime teneantur, dictosque Canonicos, Moniales, sive Sorores, & oblatas personas ad hoc minime obligatos declaramus, etiam si per quoscumque exemptos perfolvi mandarentur, cum quibusvis derogatoriis, & fortioribus clausulis, nec eos ab eorum solutione cessando, censuras, & pœnas incurrere, nisi presentibus de verbo ad verbum, & earum toto tenore inserto, & non per generales clausulas specialiter, & expresse derogetur, & de ipsis omnimoda, & individua mentio fiat. Nullusque ab eisdem de quibuscumque possessionibus ubilibet constitutis, quę in præfenti sunt, vel in futurum erunt Monasteriorum, Prioratum, & bonorum dictę Congregationis Sancti Salvatoris, ac Monialium, sive Sororum, & oblatarum personarum hujusmodi utriusque sexus, quę illius Pręlati, Canonici, Moniales, sive Sorores, & dictę personę oblate colunt, seu coli faciunt, & in futurum colent, seu coli facient, ex hortis, virgultis, piscationibus, vel de nutrimentis animalium primitias, decimas, quartesias, aut quocumque nomine nuncupata alia jura, exigere, vel extorquere præsumat, nec ipsi illa cuiquam solvere sint adstricti.

§. 41. Præterea quascumque possessiones, bona, jura, & jurisdictiones, ad ipsa Monasteria, loca, Ecclesias, Cappellas, Oratoria, & Hospitalia, tam præsentia, & futura ipsius Congregationis, & ejus Monialium, sive Sororum, seu oblatarum, personarum, in quibuscumque Mundi partibus constituta, & pertinentia quarum nomina & cognomina hic haberi volumus pro expressis, quę in præsentiarum Canonici, Moniales, sive Sorores, & oblate personę utriusque sexus hujusmodi Congregationis, iuste, & canonice possident, & in futurum, Pontificum concessione, largitione Regum, vel Principum, oblatione, fidelium, vel aliis iustis modis præstante Domino poterunt adipisci, ipsis Monasteriis, Cappellis, & Oratoriis, Hospitalibus, presentibus & futuris firma, rata, & illibata servari volumus: decernentes ut nulli omnino hominum liceat præfata Monasteria, sive loca, ut præfertur, exempta, res, & bona mobilia, & immobilia, possessiones, domos, molendina, aquas, piscarias, jura, jurisdictiones temere perturbare, ut alia, & illorum aliquod auferre, vel ablata retinere, occupare, seu quibullibet vexationibus fatigare. Quod si aliqua, Ecclesiastica secularisve persona cujuscumque gradus vel conditionis existat, etiam si Pontificali dignitate præfulgeat,

Privilegium, quocumque Monasteria, & bona acquiritur pacifice possidendi, & alia de novo acquirendi.

geat, contra hoc nostrae exemptionis, liberationis, decreti, concessionis, defensionis, conservacionis, & libertatis indultum venire, dicta bona, jura, jurisdictiones, exemptiones, & indulta, vel aliquid eorum violando, occupando, turbando, vel diminuendo, seu indebite fatigare presumpserint, nec facta ei notitia de hujusmodi nostro indulto, infra tres dies se correxerit, aut idoneam cautionem de satisfaciendo praestiterit, excommunicationis sententiam ipso facto incurrat, a qua, nisi dicta satisfactio praestita, praeterquam in articulo mortis, & tunc de satisfaciendo per se, si supervixerit, aut per suos, vel successores idoneos praestita cautione, nequeat absolutiois beneficium obtinere. Volumus autem, quod praefata Congregationis, & ejus Monialium, sive Sororum, ac oblatarum personarum utriusque sexus Monasteria, & loca, hereditates, legata, & fideicommissa per medias personas Canoniarum, Monialium, sive Sororum, & oblatarum personarum hujusmodi, aut alias qualitercumque ad ea delata bona, mobilia, & immobilia, in quibuscumque civitatibus & locis, quovis titulo acquirere, ipsique Canonici, Moniales, sive Sorores, et personae illae pro se, et eorum Monasteriis petere, et exigere possunt, undecumque vel qualitercumque eis debeantur, et quae petendi, et exigendi (si in saeculo remansissent) jus habere.

Præscriptio 60. annorum tantum currit contra Congregationem istam.

Facultas Congreg. alienandi bona.

§.42. Et contra praefata Congregationis, ac illius Monialium, sive Sororum Monasteria, loca, personas, et bona tam in praeteritis quam in futuris, aliqua non currat praescriptio, nisi post lapsum sexaginta annorum. §.43. Utque circa utilitatem, et commodum Monasteriorum Ecclesiarum, et locorum suorum hujusmodi, ac illorum jurium magis intendere valeant, Capitulum generale Congregationis praedictae, ac illius pro tempore Priori generali cum Visitatoribus, per praesentes impartitur auctoritatem concedendi Abbatibus, Prioribus, Praepositis, et Capitulis Ecclesiarum, Monasteriorum, et locorum suorum ac praefatarum Monialium sive Sororum, quarum curam gerunt, licentiam permutandi, seu alienandi, quotiens opus fuerit, vel in emphiteusim, vel libellum, et affictum, perpetuo vel ad tempus, quibusvis personis etiam secularibus, pro concedenti annuo canone, seu censu, quocumque bona immobilia Congregationis praedictae, ac illius Monasteriorum, Ecclesiarum, & locorum, seu praedictarum Monialium, sive Sororum, pro ipsorum tamen evidenti utilitate.

Facultas alia loca suscipiendi.

§.44. Concedimus insuper motu, scientia, & potestate praedictis, ut omnia, & quaecumque loca, Ecclesias etiam Parochiales, & cujuscumque Ordinis sint, aut conditionis, Congregationi, & Canonici praedictis per quoscumque oblata apprehendere, & capere possint harum nostrarum vigore, & absque alia Sedis praedictae concessionem.

§.45. Necnon Priori generali, Visitatoribus, & aliis Abbatibus, Prioribus, & Praelatis praefatis, aut aliis per Congregationem hujusmodi ad id pro tempore deputatis, in unionibus, annexionibus, incorporationibus, & reformationibus, seu receptionibus, Monasteriorum, Prioratum, vel aliorum Beneficiorum Ecclesiasticorum pro ipsa Congregatione faciendis cum Praelatis, & personis, Monasteria, seu Beneficia hujusmodi per eos obtenta, in congregationis hujusmodi, seu alicujus illius particularis Monasterii commodum dimittere volentibus, conventiones, & pacta (qua illicita, & quando Apostolica confirmatione carerent expresse prohibita, censentur) inire, ac Monasteria, Prioratus, & alia beneficia quaecumque, quae haecenus conditionibus, & pactis hujusmodi intervenientibus acquirerint, retinere, ipsaque conventiones, & pacta observare absque eo quod aliquam propterea simoniae labem incurrant, libere, & licite valeant.

Monasteria Congreg. per ejus Praelatos regantur.

§.46. Monasteria autem, & Prioratus, quae nunc sunt, & pro tempore erunt, etiam unita praefata Congregationi, per Praelatos dumtaxat ejusdem Congregationis regantur, & gubernentur, & quotiens illa ubicumque etiam apud Sedem praedictam, & qualitercumque vacare contigerit, etiam si speciales, vel generales de illorum provisionibus, seu dispositionibus per dictam Sedem reservationes factae fuerint, generale Capitulum, si tunc celebretur, alioquin Generalis Prior, & Visitatores, illos ex ejusdem Congregationis Canonici praesentibus, & futuris, etiam defectum Natalium ex quibusvis personis patientes, quos ad id idoneos fore crediderint, in Praelatos tunc vacantium Monasteriorum, & Prioratum hujusmodi, alias secundum consuetudines, constitutiones, ordinationes, & statuta praedictae Congregationis eligere seu nominare, & ad eorum nutum, & beneplacitum taliter electos seu nominatos, a regimine, & administratione dictorum Monasteriorum, & Prioratum, quibus tunc praesuerint, & quae tunc propterea vacare censentur, absolvere, & amovere, praefatique sic electi, & nominati, absque alicujus dictae Sedis, vel alterius provisionis, seu dispensationis adminiculo, etiam praeter hoc, quod eis benedictionis munus impendatur, ipsis Monasteriis, & Prioratibus, ad quae sic electi, vel nominati fuerint, praesse, & illa in spiritualibus, et temporalibus regere, et gubernare, et omnes actus ibidem exercere, et insignia deferre, ac si munus hujusmodi suscepissent. Et si continget, ut unus sic electus, & nominatus aliqua legitima causa abesse a Monasterio, et Prioratu, cui fuerit deputatus, ordinamus, quod alteri, ejus durante absentia, commissa hujusmodi administratione in spiritualibus, et temporalibus, juxta eorum constitutiones, et statuta, praefato ipsi absentem, si fuerit opportunum, praefata Congregationis aliud Monasterium in spiritualibus, et temporalibus,

libus, auctoritate etiam Apostolica regendum, et gubernandum, dictum Capitulum, seu pro tempore Prior Generalis cum Visitatoribus committere possit, et valeat. Nec propterea ex Monasteriis ipsis unum alteri censeatur esse subiectum, sed eis in pristina sua libertate manentibus, ea necessitudinis adminiculo copulata, sub felici dictae Congregationis regimine, sibi uniformi Regularis observantiae gressu invicem suffragentur. Nihil igitur ex dictis Monasteriis, vel Prioratibus, aut aliis dictae Congregationis locis, per quascumque literas Apostolicas, etiam motu simili, & cum reservationibus, ac quibuscumque derogatoriis, per quas effectus praesentium quomodolibet impediri, vel differri possit, clausulis, concessas haecenus, & in posterum concedendas, per aliquem de dicta Congregatione, vel extra eam, cujuscumque status, gradus, ordinis, seu conditionis, etiam Cardinalatus honore, aut Pontificali, vel alia quavis dignitate praesulgeat, in titulum, seu commendam, aut administrationem, vel alios obtineri, seu si super alicujus illorum fructibus, redditibus, & proventibus aliqua pensio reservari, concedi, vel assignari, seu jus sibi desuper acquiri, vel aliquis contra praesentium tenorem quovis quavis colore, etiam praetextu quorumcumque conventorum, seu pactorum, tamquam simoniacorum, quempiam de dicta Congregatione super aliquo ex Monasteriis, Prioratibus, & locis praedictis ratione tituli, sive commende, vel administrationis, aut pensionis hujusmodi, vel alias impetere, seu molestare valeat. Nullaque deinceps ex Beneficiis Ecclesiasticis, cum cura vel sine cura, ad collationem vel provisionem, praesentationem, electionem, seu quavis aliam dispositionem Abbatum, vel Priorum, ac Conventuum, Monasteriorum, & aliorum locorum dictae Congregationis communiter, vel divisim pro tempore pertinentibus, etiam qualitercumque Beneficia ipsa, & ubicumque, praeterquam apud Sedem praedictam vacare, contigerit, dummodo dispositioni Apostolicae generaliter reservata non fuerint, sub gratis, & expectativis, & provisionibus seu aliis dispositionibus dictae Sedis, facultatibus, seu indultis de conferendis Beneficiis Ecclesiasticis vacantibus, vel vacaturis, quibusvis personis, cujuscumque status, gradus, dignitatis, ordinis, vel conditionis fuerint, aut quavis etiam dignitate Pontificali praesulgeant, ab eadem Sede quomodolibet concessis, & in antea concedendis quomodolibet cadant, seu comprehendantur, sed ipsorum beneficiorum collatio, provisio, praesentatio, seu electio, & dispositio illorum occurrente vacatione praemissis non obstantibus, ad Abbates, & Priores, & Conventus praefatos, libere, & absque aliquo etiam praefata Sedis praeventivo impedimento pertineant, & spectent, ac Beneficiis ipsis nullus alius quam Abbat, seu Prior, & Conventus praedicti quorumcumque facultatum, & indultorum sibi a Sede vel Legatis praefatis qualiter-

cumque, & sub quibusvis verborum formis, & clausulis, etiam derogatoriis derogatoriis, etiam motu simili concessorum, & concedendorum vigore, vel praetextu disponere valeat quoquo modo, ac omnes, & linguae gratiae, expectativae, & acceptationes, provisiones, dispositiones, collationes, & literae Sedis praedictae, & illius Legatorum hujusmodi, facultatesque, & indulta super collationibus beneficiorum Ecclesiasticorum vacantium, seu vacaturorum quibusvis, etiam, ut praefertur, qualificatis personis, & cum praedictis clausulis pro tempore concessa, processusque desuper pro tempore habiti, etiam excommunicationis, suspensionis, & interdicti, aliaque Ecclesiasticas sententias, censuras, & poenas in se continentes, quoad beneficia, ad collationem, provisionem, praesentationem, electionem, aut aliam dispositionem Abbatum, & Priorum, ac Conventuum praedictorum respective spectantia hujusmodi, ac totum id quicquid in contrarium a quoquam quavis auctoritate, scienter, vel ignoanter attentari contigerit, omni prorsus careant firmitate. Sed neque per quascumque revocationes, cassationes, seu annullationes quorumcumque unionum annexionum, incorporationum, & appropriationum de quibusvis Monasteriis, Prioratibus, Ecclesiis, sive locis Ecclesiasticis, per nos seu successores nostros Romanos Pontifices, aut eorum aliquem in genere, vel in specie, sub quibusvis verborum formis, vel expressioibus de cetero forsan faciendis; nullum dictae Congregationi super unionibus, incorporationibus, appropriationibus, & innovationibus quorumcumque Monasteriorum, Ecclesiarum, Prioratum, aut aliorum beneficiorum Ecclesiasticorum, per nos, & Sedem praedictam Congregationi, vel in ejus favorem faciendis praesentium inferatur; sed ille omnes etiam post revocationes, cassationes, & annullationes praedictas, in suo robore inconcussa persistant in omnibus, & per omnia, ac si quoad eas, & ipsarum singulas aliqua revocatio, annullatio, & cassatio nullatenus emanasset, nisi dum, & quando ipsae super unionibus, concessionibus, & appropriationibus, seu donationibus consecrate literae, in revocationum, cassationum, & annullationum literis, constitutionibus, & ordinationibus hujusmodi de verbo ad verbum infererentur, ac in eis specialis, expressa, & individua de ipsis Monasteriis, & locis, ac Congregatione mentio fieret, necnon irritum, & inane totum, & quicquid in contrarium quavis auctoritate, scienter vel ignoanter contigerit attentari.

Clausulae hujus Bullae, & concessionis praeservative.

§.47. Necnon quod deinceps per quascumque revocatorias, seu alias Apostolicas concessionem, vel literas, quibuscumque verborum formis aut tenoribus, vel clausulis derogatoriis, etiam si illa motu, & scientia similibus emanaverint, nulla ex praedictis concessis, & quae eidem Congregationi pro tempore concedentur, exemptionibus, immunitatibus, gratis, indultis, privilegiis, & concessionibus quomodolibet